

مجموعه ابوالخیر

۱۷ نجی سنہ

صفر ۱۲۱۴

جزو، عدد : ۵۸

ناپوليونك خصوصيتي

ناپوليون بوناپارت نامنه يازيلان تاريخلرک، مقاله لرک حد و باباني يوقدر . حالا مشار اليه دائريکي يکي اثرلر نشرنده دوام اولمقدهدر . يالکړ کچن سنه آبرو آبرو اوچ تاريخ ايله، زوجۀ مطلقه سي ژوزفين ايله گرک تحت نکاحنده ايکن گرک بعدالتعلق تعاظمي اينديکي محرراتي جامع بشقه برکتاب نشر ايدلمشدر . حاصلی هرگون هرصنفدن برچوق ارباب تدقيق، مشاراليهک مخصوصاتي کشف ايله اشتغال ايتکدهدر . مثلاً عسکرلر فنون حربيه ده کی اعتيادينه، ديپلوماتلر بولتيقه ده کی طرز استبدادينه، علمای سياست قوانين مدنيه و اصول اداره ده کی اجتهادينه متعلق الک حقير بروقه دن استدالات دورا دور ايله برچوق حقايق اظهارينه چالشدقلىر کبي، بعض ذواتده صرف مخصوصاتنه ترجمان اولمقدهدر . بو قبيلدن اوله رق (ناپوليون ايتيم) يعنى ناپوليونک خصوصيتي نامنده کی اثر، مشاراليهک تاريخ احوال خصوصيه سي اطلاقه سزاوار اوله رق کوچوک بيوک هر درلو اعتيادينه متعلق فقراتی جامع اولديغندن صره سيله مطالعه سي حالده عادتاً ناپوليونله تا مکتبدن (سنت ـ الهن) آطه سنده ارتحالنه قدر برلکده بوللمش کبي مشاراليهک هر حاله واسطه اطلاع اوله جنى ايچون اصحاب مطالعه يه صره سيله عرضي مناسب گوردک .

*

(ناپوليون بوناپارت) (۱۷۶۹) سنۀ ميلاديه سي آغستوسنک اون بشنجي گوني قورسيقه ده آژاقسيو شهرنده تولد ايتمشدر . پدريشک اسمي (شازل بوناپارت) والده سنککي ده (ليتيئا رامولينو) در .

والدهمی کایساده ایکن آغری حس ایتمکله در حال اوه عودت ایدوب نابولیونی طوغرمشدر .

باباسی (شارل) طوسقاننا اصلزاده لرندن ایمش . روایتسه کوره اجدادی (ترمویز) ده حکومت سوزمش . حتی صکره لری آوستریا ایمپراطوری قزینی نابولیونه تزویج ایلدیگی زمان « عالمه می بنمکی قدر اویل اولدیغنه قانع اولمیه ایدم قزیمی ویرمزدیم » دیمش . نابولیونك طفولیتی اثناسنده هپ ایشتدیگی شی اسکی قورسیقه وقایع حربیه می، گوردیکی ده بونجه مصائبه قارشو والده سنك متاتی واداره عالمه خصوصنده کی حسن تدبیر وغیرتی ایدی .

پدرینك ایراد سنویسی بیك بش یوز فرانقندن عبارت ایمش .



(نابولیون) نامیه اشهار ایشدیگی زمانده کی،
یعنی ایمپراطورلغندن وفاتنه
قدر اولان قیافتی



بوناپارت نامیه متعارف اولدیغی زمانده کی
یعنی ملازم تائیلکسندن قونسلواسقنه
قدر اولان قیافتی

(شارل بوناپارت) غایت حلیم و فقط او انسبتنده ده اداره سمر اولدیغی جهتهله زوجه سنك الی آخر العمر دوام ایتمش اولان خست فوق العاده می سبیلله قاری قوجه منازعه لری اکسك اولمز ایمش . حتی نابولیون ایمپراطور اولدقدن صکره برگون والده سنه خستندن طولانی توینخده بولندیغی وقت بیله « هنوز بریزه برلشدیرلمیان چوجقلم ایچون یاره برکدیر یوزم » جوابی ویرمك (لوسی بن) ایلله (زهرقوم) دن طولانی ضمناً سرزنشده بولمیشدر .

(۱۷۷۶) ده قورسیقهده حال سکونت عودت ایتدیگی زمان چوجقلره برر مسلک معیشت تعینی بین الابون موقع بحثه قونلدی. قورسیقه والیسنگ برادرزاده سی اولان (اوتون) بسقبوسی مونسنور (دوماریوف) بونلرک امدادینه یتشارک بیوک اوغللری (ژوزف بوناپارط) ی باباس سلکنه داخل اولسق اوزره (اوتون) مکتبنه و (نابولیون) ی ده بحریه یه آیره رق (بری ی) مکتبنه یازدیردی. لکن فرانسز لسانتی کوزلجه اوکر نه یلک ایچون ابتدا نابولیونک ده اوتون مکتبنه بر مدتجک دوامی تقرر ایتدی.

(۱۷۷۸) کانون اولانک اون بشنجی کونی چوجقلر ایلک دفعه اوله رق والده لرندن آیرلیدیلر. حین مفارقتده (لوسی ی) عموجه (چوجقلرک تیزه دیو چاغردقلری خدمتجی قوجه قاری (مانوچیا) نابولیونک ایمراطورلغنده بیله یه مشارالیه ایله سنلی بنلی قونوشان دادی (صاوه ریا) هپ حاضر ایدیلر. فلورانسده بر مدت توقف ایدیلوب نابولیونک (بری ی) مکتبنه دخولی ایچون لازم کلان اصالت شهادتنامه سی آلدی. آیلک اوتوزنده (اوتون) ه مواصلت اوله رق مکتبه دخول، کانون ناینک ایلک کونی اقشامی وقوع بولدی.

نابولیون (اوتون) ده اوچ بقیق آی قالدی. فرانسز لسانتی کرکی کبی اوکرنوب نیسانک یگر می اوچنده (بری ی) مکتب بحریسینه محاناً قید اولندی. بوقدر جق بر زمان ظرفنده اوکرنیلان لسانک استمالندن چکشمی و هنوز اون سنه دن بری فرانسه یه التحاق ایدن برملکت اطفالندن اولمی نابولیونی دیگر ارقداشلری یینده غریب کوستردیکی کبی، کندیس ده موقعا و ثروته کندینه فائق کوردیکی صنف رفیقلرندن اوزاق طور مقده ایدی.

حتی (۱۸۱۱) ده یعنی ایمراطورلنی ائناسنده برکون موسیو (قالقور) ه « بن (بری ی) ده ایکن مکتب طلبه سی ایچنده اک فقیری ایدم. آنلرک جیلری طولو اولدینی حالده بنکنده بر پاره یوق ایدی. بونکله برابر حامی کیمسه یه آکلاتماغه چبالار ایدم. اکلتمکدن، گولمکدن محروم ایدم. حسن حامی هرکس تقدیر ایدردی اما، هیچ کیمسه بنی سومزدی « دیدیگی، یه قالقوردن مرویدر.

کندیسیله خوش کچینان و ابراز محبت ایدن یالکُر (بوری یی) استنده کی چو جوق ایدی که، صکره لری نابولیونک مظهر توجهی اولمش و کتابت خصوصیه سنده بولمشدرد. ذاتاً کندیسنه هرکیم مکتبده اظهار دوستی ایتمش ایسه التفاتندن محروم قالمامشدر. حتی آرقداشارندن (لوریستون) جنراللغه قدر ارتقا ایلش و کندیسنک پترسبورغده ایلیچیی اولمشدرد.

(۱۷۷۹) ده نابولیونک عقل خواجهسی اولان معلم (دوبوئی) بالاخره ا. مالمهزون ا. حافظ کتب نصب اولمشدرد.

ایلك آیین روحانیسنی اجرا ایدن پاپاس (شارل) هیچ بر وقته نابولیونک نظر التفاتندن دوشمامش و (۱۷۹۰) ده طوبیجی ملازمی ایکن زیارتنه کیتدیگی کبی ایتالیا اردوسی باش قوماندانی ایکن ده مومی الیهی نزدینه دعوتله ابراز نوازش ایلمشدرد. ده صکره برنجی قونسالوس اولدینی زمان دخی شارله بیك فراق معاش تخصیص و او صهرده یازدینی بر مکتوبه «سزك شایان امتثال اولان حسن حالکُر و ویرمش اولدیغکُر نصایحکُر سایه سنده بوگونکی موقعی قزاندم. هر وقت دعاکُره محتاجم» کلمات التفاتیسنی درج ایتمشدرد.

(بری یی) ده ایکن حسن خط معلمی اولان اختیار (دوبره) برکون (سن قلو) سراینه گله رک امپراطوره اون بش آی تعلیم حسن خط ایلدیگنی اخطار ایلشی اوزرینه نابولیون گوله رک «یازی اوکرتدیگکُر شو شاگردکُره باقیکُر طوغریسی یا یك زیاده شایان تبریکسکُر» دیهرک بیك ایکی یوز فراق ویرمشدرد. (۱) ریاضیات خواجهسی (پاترول) ۱۷۹۵ ده نابولیونله برلکده ایتالیا اردوسنده بولمخش و کتابتی خدمتیه مباحی اولمشدرد.

بری یی ده کی مکتب قسوجیسی (هونه) بیله (مالمهزون) قوجیلغیه بکام ایدلمشدرد.

(۱۸۸۳) کانون اولک اون بشنده امتحانلرینی ووروب مکمل بر بحریه ضابطی اوله بیله جگنی هرکسه تصدیق ایتدیرمش ایسه ده، بحریه مکتبنه گیره یلك ایچون

(۱) چونکه نابولیونک یازوسی یك فنا ایدی. للطابع

لازم اولان قوتلی التماسه مظهر اوله مامشدر . بناءً علیه (۱۸۸۴) سنه سی ایلونلک برنده پارس عسکری مکتبته قبول اولمغله، پارسه موصلتله تشرین اولک اون طقوزنده مکتبه داخل اولمشدر . کجه گوندز دوشنبه سی آراقسیوده کی عالمه سنک چکدیگی ضرورته منحصر اوله رقی، ارقداشلیرنک اکلجه لرینه قطعاً اشتراک ایلزدی . حالنک پک مکدر و بوسبيله مایوس اولدیغنی گورن موسیو (پرمون) آره صره پاره اقراضنی تکلیف ایتمکجه « والده مک اوزرنده اوقدر آغیر یوک وارکه بنده بر طرفدن ارقداشلمک دلیک لرینه اویهرق زائد مصارفه گیریشورایسه م زواللی قادین بر وقته آلتدن قالقماز » جوابی ویرردی .

ناپولیونک باباسی شارل (۱۷۸۴) شباطنک یگرمی دردنده و اتوز طقوز یاشنده وفات ایتمدی .

ناپولیونک ملازم نایدکلکه مکتب حربیه دن نشانی ۱۷۸۵ سنه سی ایلونلک برنده وقوع بولمشدر . محل مأموریتی اولان (والانس) موصلتنده (مادمازل - بو Bon) استنده بر اختیار قادینک اوینه مسافر اولمش و مأموریتی دوام ایلدیگی مدت هب اوراده ساکن اوله رقی، آندن صکرده هرنه وقت یولی والانس اوغراسه قوجه قاری بی زیارت ایدرمش . ناپولیون والانسده کی اقامتی زماننده (قورسیقه تاریخی) عنوانیه برده کتاب یازمشدر . والده سیله قرداشلرینی گورمک ایچون آراقسیویه کیتمگه اذن استیهرک، بر مدتجک آنلرله برابر وقت کچیردی .

۱۷۸۸ ده (اوقسون) (Auxonne) مأمور اولدی . اوقسونده ناپولیونلک اوقاتی (لومبارد) استنده برندن علوم ریاضیه تحصیلله کچهرک، حتی ریاضیاته اولان اسماکندن طولانی بعضاً بک زمانتی بیله خاطرندن چیقاردیغنی مرویدر . طعامی ایسه یالکز سوددن عبارت ایمش . بو حالیه برابر بورج ایتمدیگی کبی معاشی نه ایسه آنی حسن اداره ایلر ایمش . درس لرینه اولان دقتی فوق العاده اوله رقی، درسدن چیققدن صکرده اوگون معلمک اوکرتدیگنی آکلامیان ارقداش لرینه تعلیم ایتمگی ده بک سور ایمش .

بو حال معلم لر نجه نظر خشنودی ایله گورلمکده اولدیغنی ینه کنندنک عجبه سی

موسيو (فش) ه ۲۲ آغستوس سنه ۱۷۸۸ ده يازديغي بر مکتوبدن آگلاشيلور. مکتوب شو صورتله تحرير ايدلمشدر : « عموچه جف ! بزم جنرالک حقمده کي حسن توجه و تقديرينه دليل اولمق اوزره ني بر بوليغون انشاسنه مأمور ايتديگني و اون کوندر کيجه لي کوندزلي ايکي يوز عمله نك باشي اوجنده و اوزون اوزون حسابلر ايچنده مشغول اولديغني خبر ورره بيلورم . بو حال يوز باشيلري هب حد تلنديردی . گويا ايچلرنده بوايشي کوره جك کيمسه يوقش کي جنرالک بنم کي برکنجي اتخانه چوق قيزديلر . بونلرک بگا هيچ طوقور يري يوق . اصل نجه اندیشه ايديله جك برشي وارسه اوده صحتک تام اولماسيدر » شو صوگ فقره دخي نابوليونك صحت تامه اوزره اولديغني گوستتر . ينه والده سنه يازديغي ديگر بر مکتوبك « بوراده چالشمقندن غيري بر اکلنجهم يوقدر ؛ خسته لگمندن بري پك آز اويويورم . غدامده گونده بر کره بيديگم يمه منحصردر » فقره لري کندوسنك (اوقسون) ده چکورديگي عمري مكملاً آگلادير .

اشته بويكفسزلک و عالمه سي ارکاتني کورمک اشتياقي نابوليوني برايکنجي مأذونيت طلبنه مجبور ايتمکله و استدعا ايلديگي مساعده دخي وريملکله نابوليون (والانس) و (مارساليا) طريقلريله اياول ايچنده (آزاقيسو) يه کيتدی . و مدت مأذونيتني درت ماه ده اتمديده موفق اولمغه (اوقسون) ه آنجق ۱۷۹۱ کانون نانيسنده عودت ايديه بيلدی . لکن بو سفر نابوليون کيتديگي کي يالکز عودت ايتميسوب اون اوچ ياشنده کي برادري (لوي) يي ده برلکده گتوردی . مقصديده سکر چوجقله طول قالان والده سنك بار تعيشني ممکن مرتبه خفيفلتمک ایدی .

ملازم نانيلکله مخصوص اولوب ، شمديکي حسابله آنجق طقسان ايکي فراق ايدن بر معاش ايله اسکيدن يالکز کنديسي چکينورکن شمدي او ياره ايله برده قرداشني بسلمک مجبوري تي حاصل اولمغه ، استيجارينه مجبور اولديغي ايکي کوچوک اوطه نك کراسي داخل اولديغي حالده فقيرانه تعيشه باشلادی .

بو اوطه جقلرک برنده کي اشيانانک بر کهنه قاريوله ، بر ماصه ، بر قاج کتاب ، بر صندوق ، ايکي صنداليه دن عبارت بولنديغي و بو اوطه دخي بالاخره دنيايي تير تير

تتره تمش اولان فرانسه ایمپراطوری نابولون بوناپارطک اوطه سی اولدینی ملاحظه ایدیلورسه حالک غربت فوق العاده سی وهله میدان چیقار ! هله او یگی ایکی قرداش برلکده پشیرملری والبسه ییینه کندیلری سپورملری ده بشقه . بو حالد ایکن ینه نابولون اکال هنر و معلوماتدن و برادری لوینک تربیه سنه صرف همتدن گپرو طور مامشدر . حتی آندن یگرمی سنه صکره ایمپراطور نابولون برادری لویندن شکایت ایتدیگی صرده موسیو (قولقور Caulaincourt) « ملازملک معاشمله تعلیم و تربیه سنه بو قدر جالشدیغ شو لوئی یوقی، آنک ایچون نه زحمتلر چکدیگمی، نه لدن محروم قالدیغی تصور ایده مرسک . بو گاده بریره کیتنامکله قهوه خانه لره آتاق آتامقله، قوری اکمک یملکه والبسه لرمی چوق طیانسون دیو کندم سپورمکله موفق اولدم . » دیمسی و بیگ فراتق معاشنک اداره سنه عدم کفایتدن شکایت ایلان بر مأموره : « افندی بودیدیکلرکی هپ بیلورم . بن ملازم نائیک شرفیله مشرف اولدیغ وقت قوری اکمکله تغدی ایدوب فقر و ضرورتی کیمسه گوسترمدیگم کی، بنم یوزمدن ارقداشلرک محجوب اولسنی ده ارزو ایتمزدم » زمینده جواب ویرمسی بودرلو تعیشی حقنده کی روایاتی تأیید ایلکده بولمیشدر .

۱۷۹۱ مایسنده نابولون والانس دهکی دردنجی طویجی آلاینه مأمور ورتبه سی ده ملازم اوللکه ترفع ایدلمکله اوقسونی ترکه مجبور اولدی . نابولون قونسولوسنی و ایمپراطورنی زمانده اوقسون ده دوستلرینه و حمایه لرینی کوردیگی آدملر ده ایولک ایتمکدن گپرو طور مامشدر . نته کیم جنرال (تیل Teil) والانس، طولون قوماندانقلرنده بولدینی کی، اوغلاری ده (سنت الن) آطه سی وصیتنامه سیله یوز بیگ فراتق صاحب اولمشل و ارقداشی اولان (مارسکو Marescot) ی ده جنراللغه ترفع ایلشدر .

نابولون محل مأموریت جدیده سی اولان والانسه برادری لوئی ایله برابر گلدی . احبای قدیمه سی برر برر زیارتله اوقسون ده اولدینی گپی بوراده ده فقیرانه یشامغه دوام ایتدی . برمدت صکره اوچنجی دفعه اولق اوزره قورسیقه عزیتمه اذن ایستدیسده میر آلابی مساعده ایتمدی . فقط حقنده هر آن اثار توجه

وصحابت گوسترن جنرال (تهویل) ناپولیونك بو استدعاسنك ده حصوله اظهار
روی موافقت ایلمکله، ایکی برادر ۱۷۹۱ تشرین اولنك ایلك کونلرنده آراقسیویه
مواصلت ایستدیلر. بودفعه ناپولیونك قورسیقه ده کی مدت اقامتی همان بر سنه قدر
سوردی. لکن بو ائساده ده بوش قالمیوب مشهور (پاولی Paoli) نك تدویر
ایستدگی دولاب عصیانہ قارشو حکومت طرفدن تسلیح ایدیلان عساکره ضابطلك
ایتمش و حتی دشمنلری طرفدن علیهنده واقع اولان اسناداتی دخی بالذات یارسه
عزیمتله دفعه و امور حربیه ناظری نزدنده استحصال برآسته موفق اوله رقی یسه
قورسیقه یه عودت ایلمشدر.

(مابعدی نسخه تالیه ده)

